



2^m capitulo

25

vnder sinem volck Einich die begirig sind in sinen skaut vff zu
stigen vnd mit heimlichen vnd eignen räten vñ anschlegen sol
lichen gewalt fürnemen So gebürt sich dē künig die zu reimen
Dann verbirt er sy zu nichten Er wirt vernichtet Nun bist
du herz wyser vnd fürbeträchtlicher dan ich Aber mich dunckt
billich das du ein fürsehen habest vmer person vnd zu im griffest
ob er dir engon werd vñ dñem gewalt vñ bis hierinn mit sum
ig Wann dardurch möcht dir schad zu gefügt werden dem du
darnach nit widerston möchtest. dann man sagt Es syen drey
ley lit in der welt. Die ersten sind fürsichtig vnd künden mit ir
wyßen betrachtung vngfell fürkumen als dz müglich ist zetünd
Glych als der gesund sich hütet vnd bewart vor siechtagen. die
andern sorgfelig vnd empfig in widerwärtigkeit vnd zu fallen
vnd sind darinn vnuerzagt weg zu süchen bis sy wider daruß
kummen. die dritten sind schwäres gemütes vnd liederlicher
wyßen mit willende ichtzig zu fürkummen vnd noch vil minder
So sy in sorgen sind sich willen daruß zübringen vnd sind dar
zu jertz in allem irem fürnemen Glych dreyen vischen Sprach
der löw wie was das Antwort dymna ¶ Man sagt es syen drey
visch gefin in einem wag. der ein was trög. der ander fürsichtig
der dreyt vnünfftig Vff ein zyt kamen zwen vischer mit iren gar
nen vnd spreitten die in das wasser. dis sach der fürsichtig vnd
marckt was die vischer thün wolten das sy dahm omb nicht
kummen waren dann sy züuaben vnd het fürgedencken wie er
Im selbs sin leben retten möcht Vndd schwam ylends vñ dem
wag in das wasser das In den wag lieff vnd wie clein das was
doch enchielt er sich darinn das er im selbs sin leben rettet / der
wyß was still gestanden vñ der vischer gelügt bis das er sy sach
den vñflouff des wassers verlegen Do sprach er wider sich selbs
jetz hast du dich versumpt Es gilt dm leben vnd gedacht sich
selbs on verziehen züerlösen betrachtende dan lang verziehung
mit langt zu fruchtbarem end in sachen die mit zeit habē wöllen
Vnd em vernünftiger sol in nöthen beträchtig sin vnd Im kein
forcht lassen so nahen das er darinn verzagt Wann das gelück
hilfft dem getörstigen vnd diser visch schwam vff das wasser vñ
schwebt glych als ob er tod wäre Do im die vischer nächeten
sy scharzten in für vnütz vnd wurffen in vff das land von dan
nen er in dem mittel res vischens wider in das wasser kam vñ

Capitulum 2^m

Triuiofi

multis animis

Fabula